

客途邂逅

情濃如酒

戰火煙雲

遺恨邈遠

涼風東來知有信，秋月西昇若無邊。思嬌情緒添百感，客途遺恨渡如年。小生繆瑾蓮仙字，為憶藝妓麥秋娟。聲色性情堪贊羨，更兼才貌兩雙全。天隔一方難見面，孤舟愁寂晚涼天。夕陽照映雙飛燕，斜倚篷窗思悄然。耳畔秋聲桐葉落，平橋衰柳鎖寒煙。情緒悲秋同宋玉，客途抱恨對誰言？舊約難如潮有信，新愁深似海無邊。觸景更添情懊惱，懷人愁對月華圓。青樓邂逅中秋夜，並肩攜手拜嬋娟。不盡幾許情與義，纏綿相愛復相憐。肝膽情投逾數月，同群催趲整歸鞭。幾回眷戀難分捨，緣慳拆散斷離鸞。淚灑西風紅豆樹，情牽古道白榆天。杯酒臨歧同餞別，望江樓上設離筵。牽衣至囑衷情話，誓存終始兩心堅。言猶在耳成虛訥，屈指如今又隔年。好事多磨從古道，半由人力半由天。風塵閱歷崎嶇苦，雞群混跡且從權。請纓未遂從軍志，試馬難揚祖逖鞭。龜年歌調唐宮譜，遊戲文章賤賣錢。裴航玉杵諧心願，藍橋踐約訪神仙。廣寒宮殿無關鎖，何愁好月不團圓。滄溟鼎沸鯨鯢變，妖氛漫海動烽煙。關山咫尺成千里，雁紮魚書總渺然。聽得羽書馳諜報，干戈撩亂擾江村。昆山玉石遭焚毀，避秦男女入桃源。紅顏命薄招天妒，賊星來犯月中仙。嬌花若被狂風損，玉容無主倩誰憐。幽蘭不受污泥染，拼送香魂玉化煙。若然豔質遭兇暴，同埋白骨伴妝前。死後得成連理樹，生前長在奈何天。慈航法力行方便，楊枝甘露救火蓮。劫難逢凶俱化吉，災星魔障兩不牽。心似轆轤千百轉，情似長條空戀眷。願嬌平安已甘願，任卿明月向人圓。 背景 - 鴉片戰爭（虎門炮戰）原[客途秋恨]曲詞，

簡單改寫為七言長詩

2012年9月16日 閔品方